

PROTOCOLO DE ACTUACIÓN A SEGUIR PARA A ORGANIZACIÓN DE CACERÍAS DURANTE A ALERTA SANITARIA

O presente protocolo é unha recomendación da FGC en materia de seguridade, hixiene e prevención, mentes dure a alerta sanitaria que podería ser utilizado para cumprir o disposto na normativa de aplicación, sen perxuízo da súa modificación en virtude do estado da crise sanitaria.

CONSIDERACIÓNS PREVIAS.

- A organización de calquera actividade cinexética durante a vixencia do estado de Alerta Sanitaria, no referente ao desprazamento e medidas de protección sanitaria, quedará regulada polas disposicións legais e sanitarias que rexen este período.
- Na organización e desenvolvemento das batidas, esperas, axexos ou outras accións cinexéticas, sempre primarán sobre todas as demais consideracións as prescricións e recomendacións das Autoridades sanitarias para salvaguardar a saúde e impedir o contaxio.

ORGANIZACIÓN DA ACCIÓN CINEXÉTICA

Medidas antes da acción cinexética:

- A obtención de datos e verificación de documentación (licenza, permiso de armas, etc.) para cumprimentar os listados de caza, recomendase facelo de xeito telemático mediante Whatsaap ou similar, non presencial.
- Recomendase evitar as reunións dos participantes antes de cazar, durante a acción cinexética, e despois.
- Antes de comezar a caza, o responsable da batida informará, de ser posible, de xeito telemático a cada participante do posto ou lugar de solta dos cans que lle corresponda, co fin de que se dirixa directamente a ese lugar para así evitar a reunión de cazadores. O Xefe de Batida poderá acompañar ao cazador, gardando as distancias e ambos co emprego de EPIs⁽¹⁾, para colocalo no posto; e encargarse da coordinación previa dos rastrexadores se así o aconsellase o lance.
- Os desprazamento en automóbil realizaranse de forma individual ou, si se empregan EPIs⁽¹⁾ e desinfección do vehículo, sentándose como máximo dúas persoas por fila. Durante os desprazamentos a pé polo monte manterase unha distancia entre as persoas superior a dous metros en todo momento, e de non ser posible deberá facerse uso de EPI⁽¹⁾, facendo sempre que sexa posible de xeito individual desde o vehículo ao posto e desde o posto ao vehículo.

Medidas durante a acción cinexética:

- Durante a acción cinexética cada cazador permanecerá no seu posto e, tal como establece a normativa vixente, só poderá cambiar de posto coa autorización do Xefe de Batida, evitando de ser posible reunirse con outros cazadores agás por causas de forza maior.
- Calquera incidencia ou problema que lle puidera xurdir a un cazador durante o desenvolvemento da batida deberá comunicarse pola emisora ou teléfono ao Xefe de Batida e este determinará o que proceda facer. Sempre que se requira a proximidade de outro/s cazador/es, todos empregarán EPIs⁽¹⁾ e manterán a maior distancia que sexa posible (pensar, por exemplo que un cazador enferma e hai que axudalo a saír do monte).

Medidas despois da acción cinexética:

- Unha vez finalizada a acción cinexética, os participantes regresarán aos seus lugares de orixe sen reunirse para despedirse nin para ningún outro tipo de celebración. Despediranse, se así o desexan, mediante as emisoras ou teléfonos.
- A recollida das pezas cobradas e dos cans de caza farase co mínimo número de participantes, que manterán en todo momento as medidas de protección con EPIs⁽¹⁾ e a maior distancia posible, e adoptaranse medidas especiais para a recuperación das pezas abatidas.
- Ao regreso aos seus lugares de orixe deben aplicarse as medidas sanitarias de uso común recomendadas polas Autoridades para o control do COVID-19 (desfacerse de xeito hixiénico dos EPIs⁽¹⁾, hixiene persoal, lavado da roupa, desinfección do interior do vehículo e dos utensilios utilizados etc.).
- Todas estas consideración simplificaranse nas accións cinexéticas individuais (axexos, esperas). Durante estas modalidades tomaranse as medidas xerais de protección tanto nos vehículos como fóra deles (usar EPI ⁽¹⁾ cando non sexa posible manter a distancia de seguridade, non compartir os utensilios de caza nin os útiles de comida e bebida, desinfección de vestiario e utensilios de caza, etc.).

⁽¹⁾ EPIs. Equipo de protección individual que neste caso consistirá en guantes e mascarilla, non obstante ante calquera dúbida aconséllase consultar co seu sanitario.
Tamén se recomenda empregar solución desinfectante para as máns.